

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 06.11.2018թ. թիվ 1808752453 որոշումն անփոփոխ, իսկ վարչական բողոքն առանց բավարարման թողնելու մասին

<<18>> 12 2018թ. 17-13-129520-18/17-13-11391 ք.Երևան

ՀՀ ոստիկանության Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արմեն Գրիգորյանի դիմումի քննարկման արդյունքում ստեղծված նյութերը՝

Պ Ա Ր Զ Ե Յ Ի

Երևան քաղաքի Մ.Մելիքյան փողոցի 15 շենքի 1 բնակարանի բնակիչ Արմեն Գրիգորյանը դիմումով խնդրել է վերանայել Ճանապարհային ոստիկանության վարչական տույժ նշանակելու մասին թիվ 1808386304, 1808667816, 1808710544, 1808710604 և 1808752453 որոշումները և մեղմացնել տուգանքների գումարների չափերը՝ նշելով, որ գտնվում է սոցիալապես ծանր վիճակում: Մերժելու դեպքում խնդրել է դրանցով նշանակված տուգանքների գումարների վճարումները տարաժամկետել 6 (վեց) ամսով:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտերը վերանայելու հիմք հանդիսանալ հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

<<Տեսանկարահանող և լուսանկարահանող սարքերով հայտնաբերված Ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հադվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը:

06.11.2018թ. թիվ 1808752453 որոշման հիմքում դրված տեսանյութը փաստում է, որ Երևան քաղաքի Անդրանիկ-Բաբաջանյան փողոցների խաչմերուկի հատվածում դիմումատուին պատկանող տրանսպորտային միջոցը 16.10.2018թ. ժամը 14⁰⁴-ին հատել է հանդիպակաց հոսքերն իրարից բաժանող 1.3՝ հոծ գիծ, գծանշումը, ինչը ՀՀ կառավարության թիվ 955-Ն որոշմամբ արգելված է:

ՀՀ Սահմանադրության 6-րդ հոդվածի 1-ին մասի համաձայն՝ պետական և տեղական ինքնակառավարման մարմիններն ու պաշտոնատար անձինք իրավասու են

կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով: Տվյալ պարագայում անձի սոցիալական վիճակով պայմանավորված կատարված իրավախախտման համար պատասխանատվությունից ազատելու որևէ իրավական ընթացակարգ սահմանված չէ:

Ինչ վերաբերվում է թիվ 1808386304, 1808667816, 1808710544 և 1808710604 որոշումներին, ապա դրանց մասով դիմումը քննարկման ենթակա չէ, քանի որ դիմումատուի կողմից բաց են թողնվել վերադատության կարգով դրանց բողոքարկման ժամկետները:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով և 305-րդ հոդվածի 2 մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 06.11.2018թ. թիվ 1808752453 որոշումը թողնել անփոփոխ, իսկ վարչական բողոքն առանց բավարարման:

2. Հաշվի առնելով այն, որ սույն որոշման 1-ին կետով բողոքը թողնվել է առանց բավարարման, թիվ 1808752453 որոշումով նշանակված տուգանքի գումարի վճարումը տարաժամկետվել է 6 (վեց) ամսով՝ դիմումը մուտքագրելու օրվանից՝ 2018թ. դեկտեմբերի 6-ից:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

4. Սույն որոշման օրինակն ուղարկել Արմեն Գրիգորյանին և ՃՈ ՏՄՀԽԱ կենտրոն:

Կատարող Ն.Բալասոյան

Մարտիրոսյան



Շ. Զարգարյան